

COMUNICADO DI PRENSA

BCA ta mantene su posicion financiero fuerte, meymey di un crecimiento economico modera

21 di juli, 2026

Awe Banco Central di Aruba (BCA) ta publica su ‘Operational Report 2025’ y su ‘Condensed Financial Statements 2025’.

E ‘Condensed Financial Statements 2025’ ta duna un resumen di e prestacion financiero y e posicion financiero di BCA pa aña 2025. E ‘Operational Report 2025’ ta pone enfasis riba prestacion financiero y tambe desaroyo y logronan importante relaciona cu cuater di e responsabilidadnan principal di BCA, esta maneho monetario, maneho di reserva, sistema di pago y consehero di Minister di Finanzas. E ta refleha tambe riba estadisticanan di personal y ta enfatisa e prestacion operacional, actividadnan strategico realisa na aña 2025 y su enfoke pa aña 2026. Ademá, e ta resumi con BCA ta wordo dirigi y con e riesgonan clave ta ser maneha.

Manera menciona den e ‘Operational Report 2025’ e economia di Aruba a sigui demostra resiliencia na 2025, registrando crecimiento apesar di e actividad economico cu a modera despues di varios aña di expansion fuerte. Turismo a keda e motor principal di e economia sosteniendo consumo, entradanan di gobierno y reservanan di divisa, mientras cu e presion di inflacion a baha. Na aña 2025, BCA a raporta un bon resultado financiero y operacional fuerte sosteni pa resultadonan di inversion solido, maneho efectivo di gastonan y progreso continuo den ehecutacion di iniciativanan strategico. Cu mira pa futuro, BCA ta spera cu e economia di Aruba lo sigui expande den 2026 aunke na un paso mas modera meymey di un continuacion di e incertidumbre global.

E di cinco responsabilidad principal di BCA, esta supervision y regulacion di e sector financiero di Aruba ta wordo cubri den e ‘Financial Sector Supervision Report’ (FSSR) cu a keda publica 30 di juni 2026 y ta disponibel riba e website di BCA.

E **‘Operational Report 2025’** y e **‘Condensed Financial Statements 2025’** ta riba BCA su [website](#) entrante awe.

